



ს ა ქ ა რ თ ვ ე ლ ო
 მცხეთის მუნიციპალიტეტის მერია
 GEORGIA
 MTSKHETA MUNICIPALITY CITY HALL



ბრძანება:ბ34. 34230606

თარიღი:01/03/2023

მცხეთის მუნიციპალიტეტის 2024-2027 წლების პრიორიტეტების დოკუმენტის მომზადების თაობაზე

საქართველოს ორგანული კანონის „ადგილობრივი თვითმმართველობის კოდექსის“ 54-ე მუხლის პირველი პუნქტის „ე.ე“ ქვეპუნქტის, საქართველოს კანონის „საქართველოს საბიუჯეტო კოდექსის“ 76-ე მუხლის მე-3 პუნქტის და „საქართველოს ზოგადი ადმინისტრაციული კოდექსის“ 61-ე მუხლის საფუძველზე

ვ ბ რ ძ ა ნ ე ბ ა

1. დამტკიცდეს:

- ა) მცხეთის მუნიციპალიტეტის 2024-2027 წლების პრიორიტეტების დოკუმენტის მომზადების მიზნით სამუშაო ჯგუფი დანართი 1-ის შესაბამისად.
- ბ) 2023-2024 წლების მუნიციპალიტეტის შიდა საბიუჯეტო კალენდარი დანართი 2-ის შესაბამისად.
- გ) საბიუჯეტო ორგანიზაციების მიერ მოსაწოდებელი განაცხადის ფორმები მე-3 და მე-6 დანართების შესაბამისად.

2. დაევალოს საფინანსო-საბიუჯეტო სამსახურის პირველადი სტრუქტურული ერთეულის ხელმძღვანელს ბატონ ილია ციციშვილს, ერთი თვის ვადაში შეადგინოს:

- ა) საბიუჯეტო კალენდართან (დანართი 2) შესაბამისი საბიუჯეტო ორგანიზაციებთან შეხვედრების განრიგი.
- ბ) ადგილობრივი თვითმმართველობის პრიორიტეტების ნუსხა.
- გ) კითხვარი მოქალაქეთა გამოკითხვისთვის.
- დ) ინსტრუქცია მოქალაქეებისგან ახალი პროგრამების ინიცირების უზრუნველსაყოფად.
- ე) რეკომენდაციები ახლად შემოთავაზებული პროგრამების პრიორიტეტულობასა და ხელმისაწვდომობასთან დაკავშირებით.
- ვ) წლიური ბიუჯეტისა და პროგრამების შესრულების ანგარიშის ფორმები მე-7-8 დანართების შესაბამისად.

3. საფინანსო-საბიუჯეტო სამსახურმა ადმინისტრაციულ სამსახურთან ერთად უზრუნველყოს მუნიციპალიტეტის 2024-2027 წლების პრიორიტეტების დოკუმენტის შემუშავებასთან დაკავშირებით სამუშაო ჯგუფის კოორდინაცია და საბიუჯეტო ორგანიზაციებისთვის შესაბამისი სწავლების ორგანიზება.

4. ძალადაკარგულად გამოცხადდეს „მცხეთის მუნიციპალიტეტის 2024-2027 წლების პრიორიტეტების

დოკუმენტის მომზადების თაობაზე“ მცხეთის მუნიციპალიტეტის მერის 2023 წლის 1 მარტის N დ-34 3423060001 დადგენილება.

5. ბრძანება ძალაშია გაცნობისთანავე.

6. ბრძანება შეიძლება გასაჩივრდეს მცხეთის რაიონულ სასამართლოში მისი გაცნობიდან 1 (ერთი თვის ვადაში (მისამართი: ქ. მცხეთა, სამხედროს ქ. N17).

დიმიტრი ზურაბიშვილი

მცხეთის მუნიციპალიტეტის მერია-მერი

გამოყენებულია კვალიფიციური
ელექტრონული ხელმოწერა/
ელექტრონული შტამპი

